

**Immikkut ittumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Imm. 02 Siulittaasup nalunaarutai.**

**Aningaasaqarnermut tunngasut**

**Imm. 03 Balance-t**

**Suliassat nalinginnaasut**

**Imm. 04 Sanaartugassanut 2022-mut kissaatit pingasut**

**Imm. 05 Immikkoortoq Sanaartornissamut pilersaarut, illuaraq Garage-lu Kangerlussuaq**

**Imm. 06 Tusarniut. Piniarfimmut helikopterimik angalasarnissaq.**

**Imm. 07 Tamalaat**



*Nunaqarfimmi aqutsisut 2. Juni 2021 nal.13:00 ileqquusumik ataatsiminneq  
006/2021*

Ataatsiminneq aallartippoq nal.13:00

Peqataasut:

*Atassut*

Anna-Karen Hoffmann

*Inuit Ataqtigiit*

Johan Lange

Hans Davidsen

*Nalunaaruteqarlutik peqataanngitsut: Soqanngilaq.*

*Nalunaaruteqaratik peqataanngitsut: Soqanngilaq.*



**Imm. 01 Oqaluuserisassat akuersissutigineqarneri**

**Aalajangiineq**

Akuerineqarput.



**Imm. 02 Siulittaasup nalunaarutai.**

**Aalangiineq**  
Nalunaarutissaqanngilaq.



**Imm. 03      Balance-t**

*J.nr.06.00.01*

Maleruagassatigut tunngavissat.

Karseqarnikkut Qeqqata Kommunia.-ta maleruagassaa.

**Innersuussut**

Allaffeqarfiup innersuussutigaa ilaasortanit tusaatitut tiguneqassasut.

**Aalajangiineq**

Tusaatitut tiguneqarpoq.



**Imm. 04 Sanaartugassanut 2022-mut kissaatit pingasut**

*J.nr.*

Tunuliaqutaq:

Ukiut tamaasa pisarnertut Nunaqarfimmi aqutsisut sanaartugassanik pingasunik 2022-mut kissaateqartarput. Kissaataasut allakkatigut nassiunneqassapput ulloq 15.Juni 2021tikitsinnagu.

15. juni tikitsinnagu innuttaasunut kissaataasut saqqummiunneqariissapput.

Nunaqarfimmi aqutsisut siulii 2020-mi sanaartugassanut kissaatiginikuuat Pilersuisup eqqaani kalaalimineerniarfiusinnaasumik kiisalu Sanaluffiup ammarteqqinnissaanik.

**Innersuussut**

Allaffeqarfiup innersuussutigaa Nunaqarfimmi aqutsisut eqqartoriarlugu sanaartugassanik pingasunik kissaateqassasut, kiisalu Sanaartugassatut kissaatit nunaqqatigiit peqatigalugit eqqartorneqassasut suut salliutinneqassanersut.

**Aalajangiineq**

Kissaatit:

- Kangerlussuup nunaqarfittaata iluani aqquserngit ukiorpassuit iluarsartuunneqanngitsut iluarsaatitsinnissai.
- Takornarianut saaffiginnittarfik.(Turist information) Qeqqata Kommuniiani piffiit tamarmik takornarianut neqeroorutaanik innersuuisinnaasumik.
- Sanaluttarfiup ammarneqaqqinnissaa. Sanaluffiup amigaatigivai perusuersartarfiit marluk (arnanut angutinullu) kiisalu ikuallattoortoqalissagaluarpat matu silamut qimaafissiaq.

Sanaartugassatut kissaatit innuttaasunut ataatsimiititsinermik saqqumiunneqassapput 7. Juni 2021 nal. 19:00 Multihus-imi.



**Paasissutissiissutit/Ilisimatitsissutit**

- Allaffiup pisortaata nalunaarutaa qaammat Maj 2021.
- Nunaqarfimmi aqutsisut ataatsimiinneranni imaqarniliaq ulloq 19/05/2021.



**Imm. 05 Immikkoortoq Sanaartornissamut pilersaarut, illuaraq Garage-lu  
Kangerlussuaq**

*Journal nr.*

Tunuliaqutaq

Kommunalbestyrelsi 2021-mut missingersuutini 2 mio. koruuninik immikkoortitsivoq, Kangerlussuarmi ukiuunerani piniarnermi atugassat illuaqqap Garage-llu sanaartorneqarnissaannut. Teknikkeqarnermut Avatangiisinullu immikkoortorta q sanaartornissamut pilersaarummik suliniuteqarnissamut Kangerlussuarmut oqaaseqaatinik piniarnikuuvoq.

Maleruagassatigut tungavissat

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

2021-mut missingersuutini missingersuutinit oqaaseqaatini qulaani tunuliaqutaq pineqartoq naapertorlugu annerusumik paasissutissaqanngilaq. Kangerlussuarmi illuaqqamik Garage-millu sanaartornissaq qanoq eqqarsaatigineqarnerseq, illuaraqarfimmi sissami imaluunniit nunap timaaniissanersaq allaffeqarfimmiit nalileruminaappoq.

Kommunip illuarai illoqarfimmut qanittumi sanaartorneqanngillat, nunalli timaani inissisimallutik, aamma illuaraqarfimmi aalajangersimasuni. Siusinnerusukkut inoqarfiusuni imaluunniit illuaraqarfiusuni kommunip illuaraanik sanaartortoqarnikuunngilaq. Tamanna Garage-nut aamma atuuppoq. Kommunip inoqarfiani unnuisarfiit aamma Garage-t namminersorlutik ingerlatsisuniit aqunneqarnerusarput.

Kangerlussuarmi eqqaanilu Vandrehjemmit aamma illuaqqat namminersortunit ingerlanneqarput, taamaalilluni Kommunip illuaraataa nunaqarfimmi imaluunniit sissami illuaraqarfimmi unammillertuulissaaq. Tamanna aamma nunaqarfimmi Garage-liortoqassappat atuuppoq.

Qeqqata Kommunia nunap timaani piniarfinni pitsaasuni illuaraqarpoq. Kangerlussup eqqaani nunap timaani Kommuni pisuffiusumi Arctic Circle Trail-imi takornarianut illuaraqarpoq, Namminersornerullutilli Oqartussat 1990-ikkunni Qinguata kuussuani piniarfik 2-mi piniartut





illuaraannik sanaartornikuupput. Illuararli taanna aserfallatsaaliorneqarnikuunngilaq massakkumullu atorneqarsinnaanani. Illuaraq taanna nutarterneqartariaqarpoq imaluunniit ingutserneqarluni.

Ukiuunerani piniarfik 3 aamma 4 pisortatigoortumik piniartunut illuaraqanngillat. Taakkunani iluaqutaasunik piniartunut illuaraliortoqarsinnaavoq. Kangerlussuup avannaatungaaniittumi piniarfik 5 nutaajusumi piniartut aamma illuaraqanngillat. Ukiuunerani piniarneq 2021-mi piniarfik 5-imi piniartoqaqqusaanngikkallarpoq, piniarfimmut illuaraqafiusinnaasunullu aqut takivallaarmat unamminalunilu. Eqqartorneqarpoq Isortup tasiata nalaani illuaraliornikkut piniarfik 5 tikikkuminarsarsinnaasoq, assersuutigalugu kangerlummut umiatsiamik pulalluarnikkut. Tamanna aamma piniarfinni 3 aamma 4-mi ukiukkut piniarfiusuni atuukkaluttuinnarpasippoq, Kangerlussuup kangerluata sikusarnera kingusilligaluttuinnarmat ulorianarsigaluttuinnarluni.

Kommunip illoqarfiini nunaqarfiinilu kommunip pigisaanik umiatsianik qaqitsiveqarpoq imaluunniit umiatsianik qaqitsissutit aamma umiatsiaaraleriviit piniartuniit il.il. atorneqarsinnaasut. Tamanna Kangerlussuarmi atuutinngilaq, taamaalilluni piniartuniit, suliffeqarfinniit aammalu innuttaasuniit nalinginnaasumik ujartorneqarluni. Taamaalilluni pissusissamisuginnarpoq Kangerlussuup sissaani umiatsiamik kivitsiviliornissaq umiatsiaaraleriviliornissarlu. Taannalu umiatsiaaralerivik ukiukkut piniartunit garage-tut sannavittullu atorneqarsinnaassaaq. Tamanna soqutiginarpuvoq, ukiummi kingulliit ingerlaneranni piniartut arlallit umimmannik sissami aattuisarput, soorlu piniartut arlallit sissami illuaqqanik attartortartut.

#### Atuilluartaunissakkut kingunerisinnaasai

Pisortatigut illuaraqarnissap namminersortunut unammillernissaa atuilluartaunerunngilaq. Annerpaamik qaammat ataatsip iluani atorneqartussamik pisortatigut illuaraliorneq aamma atuilluartaunerunngilaq. Piniartut illuaraannik ukiukkut aasakkullu atorneqarsinnaasunik, soorlu garage/sannavik taamatut piniartunit innuttaasunillu atorneqarsinnaassasoq atuilluartauneruvoq. Piniarfimmut qanittumi nunap timaani illuaraliorneq atuilluartaunerussaaq, angalanermi aamma benzinamik atuinermi aningaasartuutit annikinnerussallutik.

#### Aningaasaqarnikkut allaffissornikkullu kingunerisinaasai

Piniartut illuaraat angineq 1 mio. koruunit missaani akeqassangatinneqarpoq, illuaraq mikineq ½ mio. koruunit missaani akeqassangatinneqarluni.

Mittarfeqarfiit illuutaasa ilaanni sissamiittumi umiatsiaaralerivimmut tulluarsaanissaq 750.000 koruunit missaani akeqassaaq.



Umiatsiaaqqanik qaqitsivik 250.000 koruunit missaani akeqassalluni.

### Allaffeqarfiup naliliinera

Allaffeqarfik naliliivoq piniarfik 3-mi imaluunniit 4-mi illuaraliortoqassasoq, assersuutigalugu Tatsip Ataa-ni imaluunniit Angajortarfik-mi. Aningaasalerneqarsinnaappat Isortumi illuaraliortoqarsinnaavoq, soorlu Qinguata kuussuani illuaraq qanoq pineqassanersoq Namminersorlutik Oqartussat paasiniaavigineqassasut.

Allaffeqarfik naliliivoq ataatsimoorussamik umiatsianut-/snescooterinut-/ATV-nut Garage-liortoqarsinnaasoq taannalu Mittarfeqarfiup illuutaani sissamiittumi pioreersumiissinnaasoq. Sumiiffimmi tassani nutaamik garage-liornissaq/sannaviliornissaq periarfissaavoq. Taakkunani marluusuni umiatsianut kivitsissummik pilersitsisoqassaaq.

### **Innersuussut**

Allaffeqarfiup Nunaqarfimmi Aqutsisunut innersuussutigivaa, 2 mio. koruunit uunga atorineqassasut:

1. Tatsiap Ataa-ni imaluunniit Angajortarfik-mi Kangerlussuup kangiani piniartunut illuaraliornermut 1.000.000 koruunit atorineqassasut
2. Kangerlussuup sissaani ataatsimoorussamik Garage aamma sannavimmik tulluursaanermi 750.000 koruunit atorineqassasut
3. Kangerlussuup sissaani umiatsianik qaqitsiviliornermi tassungalu tunngaviummik sanaartormik pilersaarummik suliaqarnermi 250.000 koruunit atorineqassasut

Allaffeqarfiup Nunaqarfimmi Aqutsisunut innersuussutigivaa akuereqqullugu,

4. Isortumi piniartut illuaraannik mikinermik aningaasat sinneruttut atorlugit sanaartortoqarsinnaanersoq misissorneqassasoq
5. Nunaqarfimmi aqutsisut Namminersorlutik Oqartussanut Qinguata Kuussuani illuaraq nutaanngilisoq pillugu saaffiginnissasut

### **Aalajangiineq**

- Innersuusut 1-mut Nunaqarfimmi aqutsisut tulluartinngilaat illuaqqap inissisimavissaa. Una tunngavilersuutigalugu. Kalaallit aavariartarnerat tupermi najugaqarluni piffimmi tassani ingerlanneqartarmat, kiisalu illuaraqalissagaluarpat inuit ataasiakkaat kisimik atorsinnaasassammassuk pilerngunneqaanartarnissaa tulluartsuorinngilaat.
- Innersuusut 2 aamma 3 akuerivaat.
- Innersuusut 4 aamma 5 paasisaqarluarfigerusuppaat isummersortinnatik.



**Imm. 06 Tusarniut. Piniarfimmut helikopterimik angalasarnissaq.**

*J.nr.*

Tunuliaqutaq:

Allakkat takkuttut 2. Maj 2021 tusarniutigineqarput. North Safari ApS-ip Thomas Olsen-imit pigineqartup tiguisimavaa helikopter-imik piniarfimmut utimullu assartuuteqartarluni umimmannik tammajuitsussarsiorluni piniarnissanik inniminniineq, 2021-mi sapaatip akunnerini ukunani 33, 34, 35 aamma 36-mi pisussatut, tassa piffissami 16. august-imiit 10. september iluani pisartussatut. Tassunga atatillugu North Safari ApS qinnuteqaateqarpoq helikopterimik miffiusartussamik tupperluni tammaarsimaffimmik, helikoptercamp-imik, piniarfik 4-imiittussamik piffissami qulaani taaneqartumi atasussamik pilersitsinissamini akuerineqarnissaminik. Helikoptercamp sumiiffimmiissaaq uani, GPS koordinat 66°35'09.2"N 51°24'24.7"W. /. takuuk ilanngussami sumiiffissaa nunap assingani ilisarnaqutsernera

Matumuuna Qeqqata Kommuniianiit aalisartut piniartullu peqatigiiffii, sunngiffimmi pinialuttartut peqatigiiffii aamma nunaqarfimmi aqutsisut tusarniaaffigaagut qinnuteqaat pillugu. Ilaatigut aamma paaserusullutigu umimmanniarnerup nalaani taamatut tammaarsimaffimmik peqarneratigut umimmaat Angujartorfiup tungaanut appakaannissaannut tammaarsimaffik akornutaassangatinnerissi.

Aamma umimmanniarnerup tuttunniarnerullu nalaani nunami piniarfiusumi helikopterit mittarnissaat aallartarnissaallu qanoq isumaqarfigineqarpa.

Tusarniut killeqarpoq 4. Juni 2021.

**Innersuussut**

Allaffeqarfiup innersuussutigaa tusarniaaneq eqqartorneqassasoq naliliiffigineqarlunilu.

Ilanngussaq 1.

Allakkat Aalisarnermut piniarnermullu siunnersortimiit takkuttut ulloq 28. Maj 2021.

**Aalajangiineq**

Innersuussut akuerineqarpoq. Piffimmi eqqartorneqartumi atuisartut isumasiorneqarnissaat kissaataavoq. Atuisut akuersippata Nunaqarfimmi aqutsisut akuerseqataapput, kisiannili atuisut akuerseqataangippata akuersinngillat piffiup helikoptemik tikiffigineqartarnissaa.



**Imm. 07 Tamalaat**

- Nal. 13:00 sunngiffimmi aqutsisoq ataatsimeeqatiserineqarpoq Inuiattut ullorsiornissamut pilersaarutaanik tusarniaaffiginiarlugu.
- Nunaqarfimmi aqutsisut immikkut pisoqartitseqataassanersut Extreme E-toqarnerani augustimi apeqquteqaatigineqassaaq.
- Arsaattarfittaap eqqaani eqqaavilerneqarnissaa kissaataavoq.
- Qinngutit qaqqap Tacan qaavaniittut isai anorimut sioqqanik kigartorneqareersut taarsersorneqarnissai kissaataavoq.
- Sunngiffimmi pisortaq ataatsimeeqatiserinissaa kissaataavoq hallimi matuersaasersuineq pillugu.
- Palaseqarfik attavigineqaqqissaaq toqusut inaanik pisaarniarneq pillugu.

Ataatsiminneg naammassivoq nal. 15:49

